

Nico Connor a saca video clip di cancion ‘urjunchi’ for di su CD “crioyo”

Na ocasion di dia di himno y bandera!

Na ocasion di Himno y Bandera, e musico Nico Connor a saca ariba mercado un video clip nobo di e cancion Urjunchi, cual ta aparece ariba su CD titula “Crioyo”.

Durante di siman aki por a goza di e video clip nobo aki di Nico Connor na nos canalnan di TV local. E video clip ta muestra Nico Connor tocando banda di lama na Savaneta, Arashi y na Fort Zoutman, mustrandó asina algun di nos hoyanan natural tan gusta pa tanto local como turista. Un di e localidadnan na unda a graba tin e toke di nos cultura, cual ta na e restaurant nobo “The Old Man and the Sea” cu ta situa banda di lama na Savaneta. Den e video clip tambe por admira e

bailarina, esta Elizabeth Pop, enfatisando asina nos cultura den mas di un forma.

Nico Connor a logra presenta un bunita producto ariba mercado cu sigur ta un contribucion na nos cultura. Nico Connor a bisa cu e la dicidi di hasi e produccion aki pa duna honor na nos Himno y Bandera.

Esaki sigur ta un gesto di admira, pabien. E produccion di video tabata na encargo di Ish Media, cual a hasi un bunita trabao. E areglo adapta di e cancion Urjunchi tabata

na encargo di Michael Odor. IQ Music-Lab tabata na encargo di grabacion y mixing di e cancion.

Nico Connor un biaha mas ta duna honor na cultura di Aruba y Antillas door di graba e cancionnan cu mas e pueblo ta reconoce y especialmente e muchanan. E biaha aki e la pone e cancion Urjunchi den un video clip masha bunita y cu e toke moderno. Hopi pabien pa e bon trabao.

Pa informacion ariba e CD y DVD por e-mail na sweetpanmusic@hotmail.com, of yama 7427400.

